

卷四

廣文選卷第一

明通議大夫都察院右副都御史大庾劉節廣

天地廣

天地賦

成公子安



惟自然之初載兮道虛無而玄清太素紛以溷淆兮始
 有物而混成何元一之芒昧兮廓開闢而著形爾乃清
 濁剖兮玄黃判離太極既殊是生兩儀星辰煥列日月
 重規兮動以尊地靜以卑尋明迭炤或盈或虧陰陽協
 氣下兮謝寒暑隨時而推移三才殊性五行異位千變
 萬化兮育庶類授之以形稟之以氣色表文采聲有音
 律應兮無方流形品物鼓以雷霆潤以慶雲八風翱翔

書名 廣文選八十二卷 嘉靖十二年序刊本
 撰者 明 劉節 輯
 卷 卷四
 內容分類 集-總集-詩文
 索書號 大木-集部-總集類-3
 編號 D7920300

彩色首頁

東洋文化研究所漢籍目錄 編號: D7920300

東洋文化研究所漢籍目錄所藏漢籍善本全文影像資料庫 索書號: 大木-集部-總集類-3

漢籍善本全文影像資料庫文本廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

廣文選卷第四

明通議大夫都察院右副都御史大庾劉節廣

鳥獸

王孫賦

王文考

原天地之造化實神偉以屈竒道玄微以密妙信無物
 而不為有王孫之狹獸形陋觀而醜儀類狀類乎老公
 軀體似乎小兒眼睜睜以眈卹視職睫以映塗突高匡
 而曲頰睜眼歷而隳離鼻鼈齶以敷斂耳聿役以啗知
 口噉呬以齧齧唇絞喟以披視齒崖崖以齧齧嚼咍染
 而聶呢儲糧食於兩頰稍委一於胃脾蹠兔蹲而狗踞
 聲歷鹿而啞咿或囁囁而噉噉又噉嬰其若啼姿僭僂
 而抵鞞豁肝閱以瑣醢貽耽睨而曉賜耽睽瞞而踧跂

生深山之茂林處蘄巖之欽崎性獯獷以猶疾態峰出而橫施綠百仞之高木攀窈窱之長枝背牢落之峻壑臨不測之幽溪尋柯條以宛轉或捉腐而登危若將頽而復著紛紜紕以陸離或群跳而電透瓜懸而瓠垂上觸手而拏攫下值足而登跣互攀攬以狂連去接負儵睥而奄赴時遼落以蕭索乍睥睨以容與或踣跌以跳迸又咨陬而攢聚扶欹釜以擘椽躡危臬而騰舞忽踊逸而輕迅羌難得而覩縷同甘苦於人類好餽糟以歡醜乃置酒於其側競爭飲而踴馳顛陋酌以迷醉矇眠睡而無知斲拏髮以縹縛遂纓絡而羈縻歸鎖繫於庭廐觀者吸呷而忘疲

蟬賦

曹子建

唯夫蟬之清素兮潛厥類乎太陰在炎陽之仲夏兮遊豫乎芳林實淡泊而寡慾兮獨怡樂而長吟聲噉噉而彌厲兮似真士之介心內含和而弗食兮與衆物而無求栖高枝而仰首兮賴朝露之清流隱柔桑之稠葉今快閒居而遁暑苦黃雀之作害兮患螻螂之勁斧飄翔而遠託兮毒蜘蛛之罔罟欲降身而卑窺兮懼草蟲之襲予免衆難而弗獲兮遙遷集乎宮宇依名果之茂陰兮託脩幹以靜處有翩翩之狡童兮步容與於園圃體離朱之聰視兮姿才旋於猿猴條罔葉而不挽兮樹無幹而不緣翳輕驅而奮進兮跪側足以自閑恐余身之驚駭兮精曾眇而目連持柔竿之冉冉兮運微黏而我纏欲翻飛而愈滯兮知性命之長捐委厥體於膳夫

歸炎炭而就燔秋霜紛以霄下晨風烈其過庭氣憺恒
而薄軀足攀木而失莖吟嘶啞以沮敗狀枯槁以喪形
辭曰詩歎鳴蜩聲嘒嘒兮盛陽則來太陰逝兮皎皎貞
素俟夷節兮帝臣是戴尚其潔兮

走狗賦

傅休奕

蓋輕迅者莫如鷹猛捷者莫如虎惟良犬之稟性兼二
雋之勁武應天人之景暉順 象之近處憑水木之和
氣鍊金精以自輔統黔喙於秋方君太素之內寓諒韓
盧其不抗豈晉葵之能禦既乃濟盧泉涉流沙踰三光
跨大河希代來貢作玕皇家骨象多奇儀表可嘉足懸
鈎瓜口含素牙首類驤螭尾如騰虵脩頸闊腋廣前捎
後豐顛促耳長義緩口舒薄急筋豹耳龍形蹄如結鈴

五魚體成勢似凌青雲自若泉中星轉視流光朱耀赤
精震茹黃而懼宋鵲兮越妙古而揚名於是尋漏跡躡
遺踪形疾騰波勢如駭龍邈朝鳥之輕機兮絕 獸之
逸軌漂星流而景屬兮逾窈冥而騰起陵固越壑橫山
超谷原無遁逸林無隱庶顧正隰以嬉游兮步蘭皋而
聘足然後娛志苑囿逍遙中路屬精萊以待蹤逐東郭
之狡兔 洋洋以衍衍逞妙觀於水路既迅捷其無前
又閑暇而有度樂極情遺逸足未殫抑武烈而就羅兮
順計麾而言旋歸功美於執綫兮其槃瓠之不虞感恩
養而懷德兮願致用於後田聆轡車之鸞鑿兮逸獨僑
而盤桓

慾驥賦

應德璉

愆良驥之不遇兮何屯否之弘多抱天飛之神號兮悲
當世之莫知赴玄谷之漸塗兮陟高岡之峻崖懼僕夫
之嚴策兮載悚慄而奔馳懷殊姿而困遇兮願遠跡而
自舒思奮行而驟首兮叩纏綵之紛拏牽繁轡而增制
兮心惱結而槃紆涉通逵而方舉兮迫輿僕之我拘抱
精誠而不暢兮鬱神足而不攄思飾翁於西土兮望伯
氏於東隅願浮軒於千里兮曜華軌乎天衢瞻前軌而
促節兮顧後乘而踟躕展心力於知己兮甘邁遠而忘
劬哀二哲之殊世兮時不違乎良造制銜轡於常御兮
安獲騁於遐道

鳩賦

阮嗣宗

嘉平中得兩鳩予嘗食以黍稷之旨沒乎爲狗所殺故

爲作賦
嘉年之茂惠洪肇恍惚以發蒙有鷦緣之奇
鳥以鳴鳩之攸同翔彫木以胎隅寄增巢於喬松翳雲
霧以消息遊朝陽以相從踰旬時而育類嘉七子之脩
容始戢翼而櫛羽遭金風之蕭瑟旣顛覆而靡救文振
落而莫弼陵桓山以徘徊臨舊鄉而思入揚哀鳴以相
逆悲一往而不集終飄搖以流離傷弱子之悼栗何依
恃以育養賴兄弟之親眠背草萊以求仁託君子之靜
室甘黍稷之芳饍安戶牖之無疾潔文襟以交頸坑葦
麗之艷溢端妍姿以鑿飾好威儀之如一聊俛仰以逍
遙求愛媚於今日何飛翔之美慕顧投報而忘畢值狂
犬之暴怒加楚害於微軀欲殘沒以糜滅遂捐棄而淪
失嗟薄賤而失庚情散越而靡治豈覺察而明真兮誠

雲夢其如茲警竒聲之異造兮鑑殊色之在斯開丹桂
之琴瑟兮聆崇陵之參差始徐唱而微響兮情悄慧以
蛟虵遂招雲以致氣兮乃振動而大駭聲颼颼洋洋若
登崑崙而臨西海超遙茫渺不能究其所在心養養而
無所終薄兮思悠悠而未半鄧林殪於大澤兮欽邛悲
於瑤岸徘徊夷由兮倚靡廣衍遊平圃以長望兮乘水
之華旂長思肅以未至今滌平衢之大夷循路曠以徑
通兮群閨閔而洞闡美要眇之飄遊兮倚東風以揚暉
沐洧淵以淑密兮體清潔而靡譏厭白玉以爲面披丹
霞以爲衣襲九英之曜精兮佩瑤先以發微服脩煜以
儼紛兮絳衆采以相綬色熠以流爛兮紛雜錯以葳蕤
象朝雲之一合兮似變化之相依麾常儀使先好兮命

河女言歸步容與而特進兮盼兩楹而叔墀振瑤谿之
鳴玉兮播陵陽之斐斐蹈消溼之危跡兮躡離散之輕
微釋安朝之朱履兮踐席假而集惟敷斯來之在室兮
乃飄忽之所晞馨香發而外揚兮媚顏灼以顯姿清言
竊其如蘭兮辭婉嫵而靡違託精靈之運會兮日月之
餘暉假淳一作訖浮氣之精微兮幸備嫵以自私願申
愛於今夕兮尚有訪乎是非芬芳之夕暢兮將暫往而
永歸觀恍懌而未靜兮言未究而心悲嗟雲霓之可憑
兮翻揮翼而俱飛棄中堂之局促兮遺戶牖之不處惟
幕張而靡御兮凡筵設而莫輔載雲輿之靄靄兮乘夏
后之雨記龍折丹木以蔽陽兮竦芝蓋之三重翮翼翼
以左右兮紛悠悠以容容瞻朝霞之相承似美人之懷

憂采色雜以成文兮忽離散而不留若將言之未發兮
又氣變而飄浮若垂髦而失髻兮飾未集又形消目流
盼而自別兮心欲未來而貌遼紛綺靡而未盡兮允列
宿之規矩時黨莽而陰暄兮忽不識乎舊宇邁黃媛之
崇臺兮雷師奪奮而下雨內英哲與長年兮管離倫與
膺賈摧翹翹而折鬼神兮直徑登平所期歷四方而縱
懷兮誰云願乎或疑超高躍而痰兮至北極而放之援
間維以相示兮臨門而長辭既不以萬物累心兮豈一
女子之足思

獼猴賦

阮嗣宗

昔禹平水土而使益驅禽滌蕩川谷兮櫛梳山林是以
神姦形於九鼎而異物來臻故豐狐文豹釋其表閭尾

駭獻其珍夸父獨鹿被其豪青馬三騅棄其群此以
其壯而殘其生者也若夫熊狔之遊臨江兮見厥功以
乘危夔負淵以肆志兮楊震聲而皮處間曠而或昭兮
何幽隱之罔隨懼畏逼以潛身兮穴神丘之重深終或
餌以求食兮烏鑿之能禁誠有利而可欲兮雖希覲而
爲禽故近者不稱歲遠者不歷年太則有稱於萬年細
者則爲笑於目前夫獼猴直其微者也猶繫累於下陳
體多似而匪類形乖殊外察惠而內無度兮故人面而
獸心性褊淺而干進兮似韓非之囚秦揚眉額而驟脾
兮似巧言之僞真藩從後之繁衆兮猶伐樹而喪隣整
衣冠而偉眼兮懷傾王之思歸嗜慾而盼視兮有長卿
之妍姿舉頭吻而作態兮動可增而自新沐蘭湯而滋

穢兮匪宋朝之媚人終蚩弄而處泄兮雖近習而不親
多才伎其何爲固受垢而貌侵姿便捷而好伎兮超超
騰躍乎岑岵既東避兮遂中岡而被尋纓微纏以狗制
兮顧西山而長吟緣攘桶以容與兮志豈忘乎鄧林庶
君子之嘉惠設竒視以盡心且湏臾以永日焉逸豫而
自矜斯伏死於堂下長滅没乎形神

螢賦

傅長虞

余曾獨處夜不能寐顧見螢火遂有感於是執以自炤
而爲之賦其詞曰

潛空館之寂寂兮意遙遙而靡寧夜耿耿而不寐兮憂
悄悄而多傷哀斯火之烟滅兮近腐草而化生感詩人
悠懷兮覽熠燿於前庭不以資質之鄙薄兮欲增輝

乎太清雖無補於日月兮期自照於陋形當朝陽而戢
景兮必宵昧而是征進不競於天光兮退在晦而能明
諒有似於賢臣兮於踈外而盡誠蓋物小而諭大兮固
作者之所旌假乃光而喻爾職兮庶有表乎忠貞

玄鳥賦

夏侯孝若

觀羽族之群類美玄鳥之翔集順陰陽以出處隨寒暑
而遊螫擢翾翾之麗容揮連翩之玄翼挺參差之羞尾
發緇素之鮮色及至大火西晷商風吹衣遂匿形於深
穴歛六翮而不飛含靜泊以弃肌喻至和之精粹澹恬
心以去欲故保生而不匱虞衆物之爲害獨棄林而憑
人不驚畏以自疏永歸馴而附親有受祥而皇祇故遺
卵而生殷惟帝皇之嘉美置高襍以表神類鸞皇之知

德象君子之安仁爾乃銜泥構窠營居傳桷積一喙而
不已終累泥而成屋拾柔草以自藉採儒毛以爲葦吐
清惠之冷音永吟鳴而自足

螢火賦

潘安仁

羽太陰之玄昧抱夜光以清遊頰若飛電之霄逝譬似
移星之雲流動集陽暉灼如隋珠熠熠熒熒若丹英之
照葩飄飄頰頰若流金之抆沙載飛載止光色孔嘉無
聲無臭明影暢遐昭朝露於曠野庇一葉之垂柯無干
欲於萬物豈顧惜於網羅至夫重陰之夕風雨曠暝萬
物眩惑翩翩獨征竒姿燎朗枉陰益榮猶賢哲之處時
時昏昧而道明若蘭香之抆幽越群臭而珥聲隨陰陽
以飄飄非飲食之是營問螽斯之無忌希夷惠之清貞

美微虫之琦瑋援形筆以爲銘

寒蟬賦

陸士龍

昔人稱雞有五德而作者賦焉至於寒蟬才齊其美獨
未之思而莫斯迷夫頭上有綫則其文也含氣飲露則
其清也黍稷不食則其廉也處不巢居則其儉也應候
守節則其信也加冠冕取其容君子則其操可以事君
可以立身豈非至德之蟲哉且攀木寒鳴負材所不空
歎余昔僑處切有感焉興賦云爾

伊寒蟬之感運近嘉時以遊征合二儀之和氣稟乾元
之清靈體貞精之淑質吐啾啾之哀聲希慶雲以優游
遁太陰以自寧於是靈岳幽峻長林參差爰蟬集止輕
羽涉池清澈微激德音孔嘉承南風而軒景附高松之

二華黍稷惟馨而匪享竦身稀陽乎靈和唉乎其音翮
乎其翔容麗蜩蟬聲美宮商颺如飛焮之遺驚風眇如
輕雲之麗太陽華靈鳳之羽儀渚皇都乎上京跨天路
於萬里豈蒼蠅之尋常爾乃振修綏以表首舒輕翅以
迅翰華之墜露含烟熅以夕飡望北林以鸞飛集膠木
以龍蟠彰淵信於嚴時稟清誠乎自然翮眇微妙綿蠻
其形翔林附木一枝不盈豈黃鳥之敢希唯鴻毛其猶
輕憑綠葉之餘光哀秋華之方零思鳳居以翹竦仰佇
立而哀鳴若夫歲聿云暮天上其涼感運悲聲貧士含
傷或歌我行永久或詠之子無裳原思歎於蓬室孤竹
吟於首陽不銜子以穢身不勤身以營巢志高於鳴鳩
節妙乎鳴鶉附枯枝以永處何瓊林之迴脩惟雨雪之

霏霏哀北風之飄颺旣乃雕以金采圖我嘉容珍景曜
爛曄曄華豐奇伴黼黻艷比袞龍清和明潔群動希蹤
爾乃綴以空冕增成首飾纓綈翩紛九流容翼映華蟲
於朱袞表馨香乎明德於是公侯常伯乃紆紫黻執龍
淵俯鳴佩玉仰撫貂蟬袷黃廬之多士光帝皇之侍人
旣騰儀像於雲闈望景曜乎通天邁休聲之五德豈鳴
雞之獨珍聊振思於翰藻聞令問以長存於是貧居之
士喟爾相與而俱歎曰寒蟬哀鳴其聲也悲四時云暮
臨河徘徊感北門之憂殷歎卒歲之無衣望清泰之巍
峩思希光而無階簡嘉蹤於皇心冠神景乎紫微詠清
風以慷慨發哀歌以慰懷

鳥賦

成公子安

惟玄鳥之令鳥兮性自然之有識應炎陽之純精兮體
乾剛之至色望仁里之廻翔兮翩群鳴以拊翼差自託
於君子兮心雖邇而不逼起被高林集此叢灌棲息重
陰列巢布榦續紛霧會廻皇塵亂來若雨集去如雲散
哀鳴日夕鼓翼昧日噫啞相和音聲可玩嗟斯鳥之克
孝兮心識養而知暮同蓼莪之報德兮懷凱風之至素
雛旣壯而能飛兮乃銜食而反哺遊朝霞而凌厲兮飄
輕翥於玄冥有崑山之竒類兮躰殊形玉趾凌西極以
翱翔兮爲王母之所使時應德來儀兮介帝王之繁祉
入中州而武興兮集林木而軍起能休祥於有周兮矧
貞明于吉土嘉茲鳥之淑良兮永樂而靡已

野鵝賦

鮑明遠

有獻野鵝於臨川王世子愍其樊繫命爲之賦其辭曰
集陳之隼以自遠之而稱神栖漢之雀乃出幽而見珍此
璪禽其何取亦廁景而承仁捨水澤之驩逸對鍾鼓之
悲辛豈徇利而輕命將感愛而投身入長羅之逼脇恨
高繳之樊縈邈詞朋而別偶超烟鶩而風行跨日月而
遙逝忽瞻國而望城踐非迹於瑤塗昇弱羽於丹庭瞰
東西之繡戶眺左右之金扁貌纖殺而含悴心翻越而
慙驚若將墜而墮谷恍不知其所寧惟君囿之珍麗實
妙物之所殷翔海澤之輕鷗巢天宿之鳴鶉鷦程材於
梟猛翬薦體之雕文旣敷容以照景亦選翮以排雲雖
居物以成偶終在我以非群望征雲而延悼顧委翼而
自傷無青雀之銜命乏赤鴈之嘉祥空穢君之園池徒

慙君之稻梁願引身而翦迹抱末志以幽藏於是流歲
遂遠慘節方崇雲纏海岱風拂嶠潼飛雲馳霰飄沙舞
蓬視清池之初涸望綠林之始空立菰蒲之寒渚託隻
影而爲雙宛拔啄而掩背悲結悵而滿胸處朝晝而雖
念假外見而遷排涉脩夜之長寂信專思而知哀風梢
梢而過樹月蒼蒼而照臺水依岸而早結霜託草而先
摧斂雙翮於水裔翹孤趾於林隈情無方而雨集事有
限而星垂在俄頃而猶悼矧窮生之所懷聞宿世之高
賢澤無微而不均育草木而明義愛禽鳥而昭仁全殞
卵而來鳳放乳覺而感麟雖陋生於萬物若沙漠之一
塵苟全軀而畢命庶魂報以自申

翡翠賦

江文通

彼二鳥之奇麗生金洲與炎山映銅陵之素氣灌碧磴
之紅泉石錦質而入海雲綺色而出天峰炎岳而蔽日
樹靜暝而臨泉霞輕重而成彩煙尺寸而作緒熱風翕
而起濤丹氣赫而爲暑對滄流之蛟龍衝汶漻之霧雨
耀綠葉於冬岫鏡朱華於寒渚斂惠性及馴心騫頰翼
與青羽終絕命於虞人充南琛於祕府備寶帳之光儀
登美女之麗飾雜白玉以成文揉紫金而爲色專妙綵
於五都擅精華於八極傳貴質於竹素晦深聲於百億
嗟乎雞鶩以稻梁致憂燕雀以堂構貽愁旣銜利之情
近又遁害之無由今乃依赧人之絕垠出赤縣之絃州
邈人迹而獨立肇天倪而爲儔竟同獲於河鴈不俱恕
於海鷗必性命兮有當孰能合兮可求

草木廣

忘憂館柳賦

枚叔

梁孝王遊於忘憂之館集諸遊士各使為賦枚乘柳賦
 路喬如鶴賦公孫詭文鹿賦鄒陽酒賦公孫乘月賦羊
 勝屏風賦韓安國作几賦不成鄒陽代作鄒陽安國罰
 酒三升賜枚乘路喬如絹人五疋忘憂之館垂條之木
 枝透遲而含紫葉萋萋而吐綠出入風雲去來羽族既
 上下而好音亦黃衣而絳足蝸蟾厲嚮蜘蛛吐絲階草
 漠漠白日遲遲于嗟細柳流亂輕絲君王淵穆其度御
 群英而翫之小臣瞽聵與此陳詞于嗟樂兮於是罇盈
 縹王之酒爵獻金漿之醪庶羞千族盈滿六庖弱絲清
 管與風霜而共雕鎗鎗啾啾蕭條寂寥雋又英旄列襟

聯袍小臣莫効於鴻毛空銜鮮而嗽醪雖復河清海
 終無增景於邊撩

楊柳賦

孔臧

嗟茲楊柳先生後傷蔚茂炎夏多陰可涼伐之原野樹
 之中塘漑浸以時日引月長巨本洪枝條脩遠揚天繞
 連枝猗那其房或奉局以逮下或擢迹而接穹蒼綠華
 累累鬱茂翳沈蒙籠交錯應風悲吟鳴鵠集聚百變其
 音爾乃觀其四布運其所臨南垂大陽北被宏陰西奄
 梓園東覆果林規方冒平半頃清室莫與比深於是朋
 友同好几筵列行論道飲燕流川浮觴殺核紛雜賦詩
 斷章合陳厥志考以先王賞恭罰慢事有紀綱洗解酌
 樽兕光並揚飲不至醉樂不及荒威儀抑抑動合典常

退坐分別其樂難忘惟萬物之自然固神妙之不如意
此楊樹依我以生未寧一紀我賴以寧暑不御筭淒而
涼清內蔭我宇外及有生物有可貴云何不銘乃作斯
賦以叙斯情

文木賦

中山王

魯恭王得文木一枚伐以為器意甚玩之中山王為賦
恭王大悅顧盼而笑賜駿馬二匹麗木離披生彼高崖
拂天河而布葉橫日路而擢枝幼雛羸穀單雄寡雌紛
紜翔集嘈嗽鳴啼載重雪而梢勁風將等歲於二儀巧
匠不識王子見知乃命班爾載斧伐斯隱若天開豁如
地裂花葉兮披條枝摧折既剝既刊見其文章或如龍
盤虎距復似鸞集鳳翔青縞紫綬環璧珪璋重山累嶂

連波疊浪奔電屯雲薄霧濃霧麤宗興旅雞族雉群蠲
繡鴛錦蓮藻芝文色止金而有裕質參玉而無分裁為
用器曲直舒卷脩竹映池高松植巘制為樂器婉轉蟠
紆鳳將九子龍導五駒制為屏風鬱拂穹隆制為杖几
極麗窮美制為枕案文章璀璨彪炳渙汗製為盤盂采
玩蚶蛎荷歟君子其樂只宜

芙蓉賦

閔鴻

乃有芙蓉靈草載育中川竦脩幹以陵波建綠葉之規
圓灼若夜光之在玄岫赤若太陽之映朝雲乃有陽文
脩嫵傾城之色楊桂柰而來遊玩英華乎水側納嘉實
兮傾筐弭紅葩以為飾咸桃夭而歌詩申關雎以自勅
嗟留夷與蘭芷聽題鳩而不鳴嘉芙蓉之殊偉託皇居

以發英

柳賦

魏文帝

昔建安五年上與袁紹戰於官渡時余始植斯柳自彼迄今十有五載矣感物傷懷乃作斯賦

伊中國之偉木兮理姿妙其可珍稟靈心之篤施兮與造化平相因四氣邁而代運兮去冬節而涉春彼庶卉之未動兮因肇明而先辰盛德遷而南移兮星鳥正而司分應隆時而繁育兮揚翠葉之青純脩幹偃蹇以虹指兮柔條阿那而字紳上扶疎而施散兮下交錯而龍鱗在余年之二七植斯柳乎中庭始圍寸而高尺金蓮拱而九成嗟日月之逝邁忽疊疊以遄征昔周遊而處此今倏忽而弗形感遺物而懷故俛惆悵以傷情於是

曜靈次乎鷦首兮景風扇而增暖豐弘陰而博覆兮
愷悌而弗倦四馬望而傾蓋兮行旅仰而迴瞻秉至德而不伐兮蓋簡卑而擇賤含精靈而竒生兮錄林體之豐衍惟尺斷而能植兮信未貞而可美

槐賦

魏文帝

文昌殿中槐樹盛暑之時余數遊其上下美而賦之王
燦直登賢門小閣外亦有槐樹乃就使試焉有大邦之美樹惟令質之可佳託靈根于豐壤被日月之光華周長廊而開趾夾通門而駢羅承文昌之邃宇望迎風之曲阿脩幹紛其淮錯綠葉萼而重陰上幽藹而雲覆下莖立而擢心伊暮春之既替即首夏之初期鴻鴈遊而送節凱風翔而迎時天清和而溫潤氣恬淡以安治違

隆暑而適體誰謂此之不怡

菊花賦

鍾士秀

何秋菊之可奇兮獨華茂乎凝霜提威絀於蒼春兮表
壯觀乎金商延蔓翁鬱綠阪被岡縹榦綠葉青柯紅芒
芳實離離暉藻煌煌微風扇動照曜垂光於是季秋九
月九日數并置酒華堂高會娛情百卉雕瘁芳菊始榮
紛葩鞞擘或黃或赤乃有毛嫱西施荆姬秦羸妍姿妖
艷一顧傾城擢纖纖之素手雪皓腕而露形仰撫雲髻
俯弄芳榮

桃賦

傅休奕

有東園之珍果兮承陰陽之靈和結柔根以列樹兮豔
長畝而駢羅夏日先熟初進廟堂辛氏踐秋厥味益長

亦有冬桃冷伴冰霜放神適意恣口所嘗華升御於內
庭兮飾佳人之令顏實充虛而療飢兮信功烈之難原
嘉放牛於斯林兮悅萬國之又安望海島而慷慨兮懷
度朔之靈山何茲樹之獨茂兮條枝紛而麗闌根龍虺
而雲結兮彌萬里而屈盤禦百鬼之妖慝兮列神荼以
司姦辟凶邪而濟正兮豈唯營美之足言

安石榴賦

張景陽

考草木於方志覽華實於園疇窮六產於苞貢差英奇
於若榴耀靈葩於三春綴霜滋於九秋爾乃飛龍啓節
揚飈扇埃含和澤以滋生鬱敷萌以挺栽傾柯遠擢沉
根下盤繁莖縹密豐榦林攢揮長枝以揚綠披翠葉以
吐丹流暉俯散迴葩仰照爛若百枝並燃赫如烽燧俱

燎躒如朝日晃若龍燭晞絳綵於扶桑接朱光於若木
爾乃頰萼挺帶金牙承蕤蔭佳人之玄髻發窈窕之素
姿遊女一顧傾城無鹽化爲南威於是天漢西流辰角
南傾芳實壘落月滿虧盈爰採爰收乃剖乃拆內憐幽
以含紫外滴瀝以霞赤柔膚水潔凝光玉瑩濯如冰碎
泫若珠迸含清冷之溫潤信和神以理性

浮萍賦

夏侯孝若

步長渠以遊目兮鹽瓦隨波之微草紛漂激以澄茂兮差
孤生於靈沼因纖根以自滋兮 逸蕩乎波表散圓葉
以舒形兮發翠綠以含縹陰脩魚之華鱗兮翳蘭池之
清潦既淡澹以順流兮又銅容以隨風有纏薄於崖側
兮或回滯乎湍中紛上下其靡常兮漂往來其無窮仰

熙陽曜府憑綠水淳不安處行無定軌流息則寧濤擾
則定浮輕善移勢危盪盪似孤臣之介立隨排擠之所
往內一志以奉朝兮外結心以絕黨萍出水而主枯兮
士失據而身枉覩斯草而慷慨兮固知直道之難爽

瓜賦

陸士衡

佳哉瓜之爲德邈衆果而莫賢殷中和之淳祐播滋榮
於甫田昔芳春以初載迎朱夏而自延奮脩系之莫邁
延秀昶之綿綿赴廣武以長蔓繁煙接以雲連感嘉時
而促節蒙惠霑而增鮮若乃紛敷雜錯鬱悅婆娑發彼
適此迭相經過熙朗日以熠耀扇和風其如波有西蘩
之簞及相椒聊之衆多發金榮於秀翹結玉實於柔柯
蔽翠景以自育綴修莖而星羅夫其種族類數則有括

樓定桃黃瓠白傳金文密甯小青犬班玄胥素椀狸首
虎踏東陵出於秦谷桂隨起於巫山五色比象殊形異
端或濟貌以表內或惠心而醜顏或攄文而抱綠或披
素而懷丹氣洪細而俱芬體修短而必圓芳郁烈其充
堂味窮理而不餽德弘濟於飢渴道殷流而貴賤若夫
濯以寒水淬以夏凌越氣外歛溫液密凝體猶握虛離
若剖冰

桑賦

陸士衡

皇太子便坐蓋本將軍直廬也初世祖武皇帝爲中壘
將軍植桑一株世更二代年漸三紀扶踈豐衍抑有瑰
異焉

夫何佳樹之洪巖超託居乎紫庭羅萬根以下洞矯千

條而上征豈民黎之能植乃世武之所營故其形瑰族
類體豔衆木黃中爽理滋榮煩縟綠葉興而盈尺崇條
蔓而層尋希太極以延峙映承明而廣臨華飛鴉之流
響想鳴鳥之遺音唯歷數之有紀恒依物以表德豈神
明之所相將我皇之先識誇百世而勿翦超長年以永
植

靈丘竹賦

江文通

登崎嶇之碧巘入朱宮之玲瓏臨曲江之迴盪望南山
之蔥青鬱朱華之石岸絕夏彩於沙汀遠亘紫林祕壑
近匝玉苑禁垆於是綠筠繞岫翠篁懸嶺參差黛色陸
離紺影上謐謐而留間下微微而停靖蒙朱霞之丹氣
暖白日之素景故非英非藥非香非馥而珍跨仙草寶

踰靈木夾池水而檀栾繞園塘而繡植既間霜而無凋
亦中暑而增肅每冠名於華戎將擅竒於水陸况有朝
雲之館行雨之宮窻崢嶸而綠色戶蜘蛛而臨空綺䟽
蔽而停日朱簾開而留風被茵簾之窈蔚結篠蕩之溟
濛或產鳩鵲之右或居寒露之東此皆金輿之所出入
瑤輦之所周通

蓮花賦

江文通

余有蓮華一池愛之如金宇宙之麗難息絕氣聊書竹
素儻不滅焉

撿水陸之具品閱山海之異名珍爾秀之不定乃天地
之精英殖東國之流詠出西極而擅名方翠羽而結葉
比碧石而為莖蘂金光而絕色藕冰折而玉清載紅蓮

以吐秀披絳華以舒英故香氣感俗淑氣參靈躑躅人
世茵葢祇冥青桂羞烈沉水慙馨於是生平澤陂出乎
江陰見綵霞之夕照觀雕雲之晝臨既翕艷於洲漲亦
映暖於川潏葦夜月及熒光掩朝日與絕火出金沙而
延曜被淥波而覃拖冠百草而絕群出異類之衆夥故
仙聖傳圖英隱流記一為道洽二為世瑞發青蓮於王
宮驗竒花於陸地若其江淡澤芬則照電爍日池光沼
綠則明壁洞室曜長洲而瓊文映青崖而火質或憑天
淵之清峭或殖䟽圃之蒙密故河北權歌之姝江南採
菱之女春水厲兮楫潺湲秋風駛兮舟容與著縹芰兮
出波寧細蓮兮映渚迎佳人兮北燕送上客兮南楚知
荷華之將晏惜玉手之空佇迺為謠曰秋鴈度兮芳草

殘琴柱急兮江上寒願一見兮道我意千里遠兮長路
難若其萃實各名根葉異辭旣號芙蓉渠亦曰澤芝之麗詠
楚賦艷歌陳詩非獨瑞草爰兼上藥味靈丹沙氣驗青
曠乃可棄劍海岫龍舉靈臺畫臺殿兮霞蔚圖縑縞兮
炳爍永含靈於洲渚長不絕兮川壑

青苔賦

江文通

余鑿山楹爲室有苔焉意之所之故爲是作云

嗟青苔之依依兮無色類而可方必居閒而就寂以幽
意之深傷故其處石則松栝交陰泉雨長注絕礧俯視
崩壁仰顧悲凹嶮兮唯流水而馳驚遂能崎屈上生班
皎下布異人貴其貞精道士悅其趣咀松屑以高想
搴丹經而永慕若其在水則鏡帶湖沼錦匝池林春塘

秀色陽烏好陰青郊未謝兮白日照路貫千里兮綠草
深迺生水而搖蕩遂出波而沉淫假青條兮總翠借黃
花兮舒金遊梁之客徒馬疲而不能去兔園之女雖蚕
飢而不自禁至於脩臺廣廡幽閣閑楹流黃以織琴瑟
且鳴戶牖秘兮不可見履袂動兮覺人聲迺蕪階翠地
繞壁點墻春禽忠兮蘭莖紫秋虫吟兮蕙實黃晝遙遙
而不暮夜永永以空長零露下兮在梧楸有美一人兮
歎以傷若乃崩隍十仞毀冢萬年當其志力雄俊才圖
驕堅錦衣被地鞍馬耀天淇上相送江南採蓮妖童出
鄭美女生燕而頓死艷氣於一旦埋玉玦於窮泉宋兮
如何苔積網羅視青蘂之杳杳痛百代兮恨多故其所
詣必感所感必哀哀以情起感以怨來魂慮斷絕情念

徘徊者也彼木蘭與豫章既中繩而獲天及薜荔與蘼蕪又懷芬而見表至哉青苔之無用吾孰知其多少

金燈草賦

山華綺錯陸葉錦名金燈麗草鑄氣含英若其碧莖凌露玉根升霜翠葉暮媚紫榮晨光非錦罌之可學詎瓊瑾之能芳迺御秋風之獨秀值秋露之餘芬出萬枝而更明冠衆藹而不群既艷溢於時暮方炤麗於霜分是以移馥蘭畹徙色曲池軼長洲兮杜若跨幽渚兮芳籬映霞光而爍爍懷風氣而參差故植君玉臺生君椒室炎萼耀天朱英亂日永緒恨於君前不遺風霜之蕭瑟藉綺帳與羅袿信草木之願畢

枯樹賦

庾子山

殷仲文風流儒雅海內知名代異時移出爲東陽太守常忽忽不樂顧庭槐而歎曰此樹婆娑生意盡矣至如白鹿貞松青牛文梓根桓盤魄山崖表裏桂何事而銷亡桐何爲而半死昔之三河徙殖九畹移根開花建始之殿落實睢陽之園聲合嶰谷曲抱雲門將雛集鳳比翼巢鶯臨風亭而唳鶴對月峽而吟猿乃有拳曲擁腫盤坳反覆熊彪顧眄魚龍起伏節豎山連文橫木蹙匠石驚視公輸眩目雕鏤始就剗厠仍加平鱗鏟甲落角摧牙重重碎錦片片真花紛披草樹散亂烟霞若夫松子古度平仲君遷森梢百頃槎枿千年秦則大夫受職漢則將軍坐馬莫不苔埋菌壓魚剝蟲穿低垂於霜露撼顛於風烟東海有白木之廟西河有枯桑之社北陸

以楊葉爲關南陵以梅根作冶小山則藜桂留人扶風
則長松繫馬豈獨城臨細柳之上塞落桃林之下若乃
山河阻絕飄零離別拔本垂淚傷根流血火入空心膏
流斷節橫洞口而歆臥頓山要而半折文衰者合體俱
碎理正者中心直裂戴瘰銜瘤藏穿抱穴木魅暘睽山
精妖孽況復風雲不感羈旅無歸未能採葛還成食薇
沉淪窮巷蕪沒荆扉旣傷搖落彌嗟變衰淮南云木葉
落長年悲斯之謂矣乃爲歌曰建章三月火黃河千里
槎若非金谷滿園樹即是河陽一縣花桓大司馬聞而
歎曰昔年移柳依依漢南今看搖落悽愴江潭樹猶如
此人何以堪

廣文選卷之第四

江都葛澗校

廣文選卷第五

明通議大夫都察院右副都御史大庾劉節廣

志上

徵詠賦

宋玉

蔓馳年之騷思黜徂夜之悄憂念怳惘以淪忽心震懍
而勞流坐生悲其何念徒空詠以自憫于詠之爲情也
悵望兮若分江晶素厓翔傷兮濫行雲再清離浩宕弘
以廣度紛收息而淹儀旣御聲以跼制又繫韻而發羈
青塗鬱兮春采香秋色陰兮白露商謹鳥翾兮山光開
長霞流布兮林氣哀于時也深衷美緒孤響端音屬素
排滿吐致施英嘈肆懷以鴻暢慘輟意而相迎馮幽圖
以藉怨咀高華而寄聲體閒愔而都靡心遊任而姝麗